

Еңбекті қорғаудың аймақтық басқармасы туралы

Күшін жойған

Қазақстан Республикасы Еңбек министрлігі 1994 жылғы 11 наурыздағы N 19 Қаулысы. Қазақстан Республикасы Әділет министрлігінде 1994 жылғы 11 қазанда тіркелді. Тіркеу N 19. Қолданылуы тоқтатылды - ҚР Үкіметінің 2005 жылғы 9 ақпандағы N 124 қаулысымен.

"Еңбекті қорғау туралы" Қазақстан Республикасы Заңын күшіне енгізу туралы " Қазақстан Республикасы Жоғарғы Кеңесінің 1993 жылғы қаңтардың 22-сіндегі N 1915-ХІІ қаулысын жүзеге асыру туралы" Қазақстан Республикасы Министрлер Кабинетінің 1993 жылғы желтоқсанның 17-сіндегі N 1270 P931270_ (5-тармақ) қаулысын жүзеге асыру үшін Қазақстан Республикасының Еңбек министрлігі қаулы етеді:

1. Еңбекті қорғаудың аймақтық басқармасы туралы тіркеліп отырған ереже бекітілсін.

2. Еңбекті қорғау департаменті (Ю.А.Романов жолдас) Ережені еңбекті қорғаудың аймақтық басқармаларына жеткізетін болсын.

Министр

Қазақстан Республикасы
Еңбек министрлігінің
1994 жылғы 11 наурыздағы
N 19 қаулысымен
Бекітілген

Еңбекті қорғаудың аймақтық басқармасы туралы

ҮЛГІ ЕРЕЖЕ І-бөлім. Жалпы ережелер

1.1. Еңбекті қорғаудың аймақтық (облыстық, қалалық) басқармасы (бұдан былай еңбекті қорғау басқармасы) жергілікті жерлерде еңбекті қорғау саласындағы мемлекеттік саясатты жүзеге асыру жөніндегі территориялық басқару органы болып табылады және Қазақстан Республикасының Еңбек министрлігі Еңбекті қорғау департаментінің тікелей бағынышты.

1.2. Еңбекті қорғау басқармасы өзінің қызметінде Қазақстан Республикасының Конституциясын, "Еңбекті қорғау туралы" Заңды, республиканың басқа заңдарын, Қазақстан Республикасы Жоғарғы Кеңесінің қаулыларын, Қазақстан Республикасы Президентінің жарлықтарын, қаулыларын

есепке алудың және тергеудің бірыңғай тәртібін қамтамасыз етеді;
еңбекті қорғау жөнінде бірыңғай аймақтық ақпарат жүйесінің қызметін
қ а м т а м а с ы з е т е д і ;

аймақта еңбекті қорғау ахуалы туралы, өндірістегі зақымдану мен кәсіби аурулардың себептері туралы Еңбекті қорғау департаментіне жыл сайын баяндама даярлайды және халықты жүйелі түрде хабарлап отыруды қамтамасыз е т е д і ;

Қазақстан Республикасының Мемкентехқадағалаудың жергілікті органдарымен және басқа да тиісті органдармен бірлесе отырып, ведомстволардың, бірлестіктердің, кәсіпорындардың және меншіктің әр түріндегі шаруашылық жүргізуші субъектілердің, соның ішінде жекелеген жұмыс берушілердің "Еңбекті қорғау туралы" Қазақстан Республикасының Заңын және еңбекті қорғау жөніндегі басқа да нормативтік актілерін орындауын қадағалауды және бақылауды қамтамасыз етеді;

"Еңбекті қорғау туралы" Қазақстан Республикасының Заңын қолдану практикасын қорытындылайды және талдау жасайды, оны жетілдіру жөнінде ұсыныстар даярлап, енгізеді;

жұмыс істеушілердің жеке басын қорғайтын құралдар, еңбек жағдайларын бақылайтын аспаптар мен аппараттар жасайтын кәсіпорындар құру және дамыту жөнінде ұсыныстар даярлайды;

Қазақстан Республикасының Министрлер Кабинеті жанындағы Стандарттау және метрология жөніндегі бас басқармасының аймақтық органдарымен бірлесе отырып, өнеркәсіп кәсіпорындары өнімдерінің еңбекті қорғау талаптарына сәйкестілігін сертификаттау жөніндегі жұмыстарды ұйымдастырады;

еңбек жағдайлары қолайсыз жұмыстармен шұғылданатын қызметкерлердің еңбек жағдайларына сараптау жүргізеді, оларға белгіленген жеңілдіктер мен өтемақылардың берілуіне мемлекеттік бақылауды жүзеге асырады;

еңбек процесінде адамның денсаулығына жұмысқа қабілеттілігін сақтауды қамтамасыз ететін гигиеналық және емдеу-сақтандыру шараларын жүзеге асыруға мемлекеттік бақылау жүргізеді;

қолданылып жүрген заңда белгіленген мерзімде азаматтардың ұсыныстарын, арыздары мен шағымдарын қарайды және қажетті шаралар қабылдайды; еңбекті қорғауды насихаттауды ұйымдастырады.

4-бөлім. Еңбекті қорғау басқармасының құқықтары

4.1. Еңбекті қорғау басқармаларының алдында тұрған міндеттерді шешу және жүктелген жұмыстарды орындау үшін оларға мынадай құқықтар беріледі:
қызметкерлердің еңбегін қорғау мәселелері жөнінде кәсіпорындардың,

бірлестіктердің, мекемелер мен ұйымдардың, және меншік түрлеріне қарамастан басқа да шаруашылық жүргізуші субъектілердің жұмыстарын тексеруге, тексеру кезінде анықталған кемшіліктер мен тәртіп бұзушылықтарды жою жөнінде міндетті түрде орындалуға тиісті нұсқаулар беруге; тәртіп бұзуға жол берген кінәлі адамдарға заң бойынша белгіленген шаралар қолдануға;

кәсіпорындар мен мекемелердің бірінші басшыларын және еңбекті қорғау қызметінің басшыларын аттестациядан өткізуге;

аттестациядан өткізудің тәртібі мен бағдарламасын, Еңбекті қорғау департаменті талдап жасайды және бекітеді;

белгіленген мерзімде статистикалық, қадағалау және бақылау органдарынан, кәсіпорындар мен ұйымдардан қорытындылап, талдау жасау үшін еңбекті қорғау және қауіпсіздік техникасының ахуалы, еңбек жағдайлары туралы, өндірістегі зақымданулар мен кәсіби аурулар туралы қажетті ақпарат алуға;

кәсіпорындарда еңбекті қорғау жөніндегі құжаттар егер заңға қайшы келетін болса, олардың күшін тоқтатуға, қажетті жағдайларда оларды жою туралы Республиканың Еңбекті қорғау департаментіне ұсыныстар енгізуге;

еңбекті қорғау жөніндегі нормативтік-құқықтық, нормативтік-әдістемелік және нормативтік-техникалық құжаттардың, еңбекті қорғау қызметі туралы ережелердің жобаларын, еңбекті қорғау және оның қауіпсіздігіне қатысты құрылыс нормалары мен ережелері бөлімдерін, еңбек жағдайларын қалыптастыруға, адамның денсаулығы мен өміріне қауіпті және зиянды өндірістік факторлардан қызметкерлерді қорғауға байланысты стандарттарды, оқу-тематикалық жоспарлар мен басқа да құжаттарды қарауға, олар жөнінде к е л і с у г е ;

еңбекті қорғаудың жекелеген мәселелерін қарау және талдап жасау, үшін, сондай-ақ консультациялар мен сараптан өткізу үшін ғылыми-зерттеу, жобалау институттары мен кәсіпорындардың мамандарын қатыстыруға;

еңбек жағдайларына талдау жасау және бағалау жұмыстарын жүргізуге право алу үшін кәсіпорындарды, ұйымдар мен жекелеген адамдарды аттестациядан өткізуге және сертификаттар мен лицензиялар беруге;

объектілерді пайдалануға беруге қабылдау жөніндегі мемлекеттік комиссиялардың жұмысына қатысуға;

еңбекті қорғау жөніндегі мамандардың жоғары және орта арнаулы оқу орындарын бітірген кезінде мемлекеттік емтихан комиссияларының жұмысына қ а т ы с у ғ а ;

еңбекті қорғау және оның жағдайлары, сондай-ақ еңбектің қауіпсіздігі мен зиянсыздығының дәлелдері жөніндегі нормативтік және заңдық негіздері, ережелерді, нормаларды, стандарттар мен басқа да құжаттарды жетілдіру жөнінде Департаментке ұсыныстар енгізуге.

5-бөлім. Еңбекті қорғау басқармасының жұмысын ұйымдастыру

5.1. Басқармаға жергілікті әкіммен және Қазақстан Республикасының Еңбек министрімен келісе отырып, Еңбекті қорғау департаментінің төрағасы тағайындайтын бастық жетекшілік етеді. Бастықтың екі орынбасары болады, оларды жергілікті әкімнің келісімі мен оның өзінің ұсынуы бойынша Департамент төрағасы тағайындалады.

5.2. Басқарма бастығы:

басқармаға жүктелген міндеттердің орындалуы үшін жеке басымен жауап береді, орынбасарлар, құрылымдық бөлімшелер арасында міндеттерді бөледі; еңбекті қорғау басқармасы аппаратының штат кестесі жөнінде Еңбекті қорғау департаментінің бекітуіне ұсыныстар енгізеді;

басқарманың құрылымдық бөлімшелері туралы ережені бекітеді; басқарма аппараты қызметкерлерін (бастықтың орынбасарларынан басқасын) жұмысқа тағайындайды және жұмыстан босатады;

өзінің құзыры шегінде бөлімшелердің орындауына міндетті болып саналатын бұйрықтар шығарады, нұсқаулар береді, олардың орындалуын тексереді.

5.3. Еңбекті қорғау басқармасы жанынан Басқарма кеңесі құрылады, оның құрамында басқарма бастығы (кеңестің төрағасы), лауазымы бойынша орынбасарлар, бөлімшелер басшылары мен кәсіпорындар өкілдері, еңбекті қорғау саласындағы мамандар болады.

Кеңес мүшелерін, оның құрамына лауазымдары бойынша кіретін адамдардан басқасын, Еңбекті қорғау департаменті бекітеді.

Кеңес кеңесші орган болып саналады, оның шешімдері хаттамалармен, және қажет болған жағдайларда, басқарманың бұйрықтарымен түзіледі.

Еңбекті қорғаудың аймақтық басқармасының кеңесі туралы үлгі ережені Қазақстан Республикасы Еңбек министрлігінің Еңбекті қорғау департаменті бекітеді.

5.4. Басқарма еңбекті қорғау жүйесі қызметкерлерінің мамандығын арттыруды қамтамасыз етеді.

5.5. Еңбекті қорғау басқармасы өзінің жұмысында өкіметтің өкілетті және атқарушы органдарымен, Қазақстан Республикасының Мемкентехқадағалау органдарымен, жергілікті жерлердегі санитарлық қадағалау және басқа да қадағалау органдарымен өзара бірлесіп әрекет жасайды.

5.6. Еңбекті қорғау басқармасы дербес заңды тұлға болып саналады, банкте өзінің есеп шоты, өзінің қазақ және орыс тілдерінде аты жазылған, Қазақстан Республикасының Мемлекеттік елтаңбасы салынған мөрі бар.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК